



Broj: 05-07-26-13491/12
Sarajevo, 18.01.2013.godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLIENO:	22-01-2013		
Organizaciona jedinica	Klasifikaciona oznaka	Redni broj	Broj priloga
01-	50-1-15-39/12		

**PARLAMENTARNA SKUPŠTINA BOSNE I HERCEGOVINE
ZASTUPNIČKI DOM
SARAJEVO**
n/r dr. Božo Ljubić, predsjedatelj

**PREDMET: Odgovor na zastupničko pitanje,
- dostavlja se;**

Veza: Vaš broj 01/a-50-1-15-39/12 od 21.12.2012.

Zastupnik Niko Lozančić na 39. sjednici Zastupničkog doma Parlamentarne skupštine Bosne i Hercegovine održanoj 18.12.2012. godine, postavio je Ministarstvu pravde Bosne i Hercegovine zastupničko pitanje koje glasi:

„ Iz sredstava javnog informisanja saznali smo da je Visoko sudbeno i tužiteljsko vijeće BiH, nakon dužeg vremenskog razdoblja, imenovalo glavnog tužitelja u Tužiteljstvu BiH. Putem tih istih medija smo saznali, ako je to tačno, da osoba koja je imenovana na tu visoku i odgovornu dužnost, nema radno iskustvo na tužiteljskim poslovima, pa stoga moje pitanje ide Ministarstvu pravde:

- 1) Da li je moguće imenovati osobu na tako odgovornu dužnost, a da ista nema nikakvo radno iskustvo na poslovima za koje se imenuje?
- 2) Ako već nema profesionalne reference za tu dužnost, šta je bio razlog za njegov izbor, pogotovo ako se zna da nisu izabrani kandidati sa višegodišnjim iskustvom na tužiteljskim poslovima?“

S tim u vezi Ministarstvo pravde Bosne i Hercegovine daje sljedeći:

ODGOVOR

Ministarstvo pravde Bosne i Hercegovine je aktom broj: 05-07-26-13491/12 od 27.12.2012. godine, u skladu sa navedenim zastupničkim pitanjem Nike Lozančića, uputilo dopis Visokom sudskom i tužilačkom vijeću Bosne i Hercegovine da pruži odgovor i dostavi tražene informacije.

U odgovoru Visokog sudskog i tužilačkog vijeća Bosne i Hercegovine, broj: 04-02-64-2/2013 od 14.01.2013. godine, na postavljeno pitanje ističe se da je Visoko sudsko i tužilačko vijeće Bosne i Hercegovine jedini organ nadležan za izbor i imenovanje sudija i tužilaca na svim nivoima u Bosni i Hercegovini u skladu sa Zakonom o Visokom sudskom i tužilačkom vijeću Bosne i Hercegovine.

Nadalje, ističe se da u skladu sa Zakonom o Visokom sudskom i tužilačkom vijeću Bosne i Hercegovine za imenovanje tužioca ili glavnog tužioca u Tužilaštvu Bosne i Hercegovine nije neophodno isključivo tužilačko iskustvo.

Visoko sudsko i tužilačko vijeće Bosne i Hercegovine konstatuje da kandidat koji je imenovan na poziciju glavnog tužioca Tužilaštva Bosne i Hercegovine, ispunjava sve uslove propisane Zakonom o Visokom sudskom i tužilačkom vijeću Bosne i Hercegovine, i to: ima više od 20 godina relevantnog pravnog iskustva nakon položenog pravosudnog ispita, a od toga više od 8 godina rukovodnog iskustva u pravosuđu.

U prilogu dostavljamo odgovor Visokog sudskog i tužilačkog vijeća Bosne i Hercegovine na postavljeno zastupničko pitanje.

S poštovanjem,



Dostavljeno:

- naslovu
- a/a



Štampat 5.

Broj: 04-02-64-2/2013
Sarajevo 14.01. 2013. godine

16-01-2013

MIN STARSTVO PRAVDE BOSNE I HERCEGOVINE
N/r Bariša Čolak, ministar

05-07-26-13491/12

AS
16-01-13
[Signature]

Predmet: Odgovor na postavljeno zastupničko pitanje, dostavlja se

Veza: Vaš broj: 05-07-26-13491/12

Poštovani gospodine Čolak,

Visoko sudsko i tužilačko vijeće Bosne i Hercegovine (u daljem tekstu: VSTV/Vijeće), dana 4.1.2013. godine, zaprimilo je Vaš dopis vezano za zastupničko pitanje zastupnika Nike Lozančića, postavljeno na 39. sjednici Zastupničkog doma Parlamentarne skupštine Bosne i Hercegovine, održane 18.12.2012. godine, a koje se odnosi na imenovanje glavnog tužioca Tužilaštva Bosne i Hercegovine.

Naime, konkretno zastupničko pitanje, upućeno Ministarstvu pravde Bosne i Hercegovine glasi:

- 1) *Da li je moguće imenovati osobu na tako odgovornu dužnost, a da ista nema nikakvo radno iskustvo na poslovima za koje se imenuje?*
- 2) *Ako već nema profesionalne reference za tu dužnost, šta je bio razlog za njegov izbor, pogotovo ako se zna da nisu izabrani kandidati sa višegodišnjim iskustvom na tužilačkim poslovima?*

Povodom postavljenog pitanja, želimo Vas informisati slijedeće:

VSTV BiH, kao jedini organ nadležan za izbor i imenovanje sudija i tužilaca na svim nivoima u Bosni i Hercegovini, izbor vrši na osnovu postupka i kriterija propisanih Zakonom o Visokom sudskom i tužilačkom vijeću Bosne i Hercegovine („Službeni glasnik BiH“ broj: 25/04, 93/05 48/07 i 15/08) i odredbama Poslovníkom Vijeća („Službeni glasnik BiH“ broj: 44/09).

Članom 21. Zakona o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV BiH), propisani su osnovni uslovi koje moraju ispunjavati svi kandidati koji se prijavljuju za neku od pravosudnih pozicija, a članom 29. istog Zakona, propisani su posebni uslovi za pozicije glavnog tužioca, zamjenike i tužioce Tužilaštva Bosne i Hercegovine. Tako, stav dva (2) ovog člana glasi: „Glavni tužilac i zamjenici glavnog tužioca Tužilaštva Bosne i Hercegovine moraju imati najmanje osam (8) godina iskustva u radu kao sudije, tužioc, advokati ili drugo relevantno pravno iskustvo, nakon položenog pravosudnog ispita, kao i dokazane rukovodne i organizacijske sposobnosti bitne za rad tog tužilaštva“.


Na osnovu ovakve zakonske odredbe, da bi neko bio imenovan za tužioca ili glavnog tužioca u Tužilaštvo Bosne i Hercegovine, potpuno je jasno da nije neophodno da ima isključivo tužilačko iskustvo.

Kandidat koji je imenovan na poziciju glavnog tužioca Tužilaštva Bosne i Hercegovine, ispunjavao je sve uslove propisane članom 21. i 29. stav (2) Zakona o VSTV-u BiH, i to: ima više od 20 godina relevantnog pravnog iskustva nakon položenog pravosudnog ispita, a od toga više od 8 godina rukovodnog iskustva u pravosuđu. Osim toga, imenovani kandidat, na osnovu radnog iskustva,

ostvarenih radnih rezultata, a naročito dokazanih rukovodnih i organizacijskih sposobnosti, ocijenjen je kao najbolji kandidat za ovu poziciju.

I na kraju, Vijeće kao nezavisni i samostalni organ, koji ima zadatak da osigura nezavisno, samostalno, nepristrasno i profesionalno pravosuđe, u konkretnom slučaju, postupilo je u skladu sa svojim nadležnostima, a prilikom donošenju odluke o imenovanju glavnog tužioca Tužilaštva BiH, prvenstveno se rukovdilo kriterijima propisanim Zakonom o VSTV-u BiH.

S poštovanjem,



Predsjednik

Milorad Novković